

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1763

Caput II. Systema italicum

[urn:nbn:de:bsz:31-295084](https://nbn-resolving.org/urn:nbn:de:bsz:31-295084)

CAPUT II.
SYSTEMA ITALICUM.



§. I.

A pud Germanos medii aevi consuetudo invaluit, Originis Italicae affectatio Germ.
 illustrium Familiarum origines ut ex Italia
 derivarent, majoris gloriae esse arbitantes,
 ab extera natione, veteris orbis domina,
 genus deducere, quam suae Germaniae se profiteri indigenas.

Nausea indigenatus veteres quoque vexaverat Romanos,
 qui a Trojanis victis, fugitivis et advenis, sua repetere primordia,
 quam Aborigenes Latii sui se haberi maluerunt. Francicam
 nationem a Priamo et Hectore, Trojanis principibus, illustris ille
 Turonensium seculi VI. Antistes jam deduxit GREGORIUS (a).

(a) *Historia Francor.* Lib. I. Cap. I. Item FREDEGARIUS ejus Continuator.

Primum Britanniae suae Regem Aeneae pronepotem, Ascanii nepotem, Silvii filium, Brutum omni antiquitati incognitum Rerum Anglicarum scriptores medii aevi constituunt. (b)

Antiqua illa Ascaniorum Germaniae borealis prosapia, quae veteri Saxoniae Duces, Brandeburgo Marchiones produxit, ex qua hodierni Principes Anhaltini proveniunt, ad Urfinos, Roma in Germaniam appulso, suum sanguinem referunt.

Tempus erat, quo Hohenloica Gens à Flaminiis, Zollerana à Columnensibus (c) suum genus ducebant. ULRICUS KRIEGIUS, Rudolphi I. Habsburgici, Germaniae Regis, comes bellorum, ex Turico Nobilis, vel quisquis ejus nomine Chronicon scripsit, Habsburgicis Anicios et Perleonios assignavit majores; receptam tum temporis sententiam fecutus; (d) quam

(b) Unde *Brutannia* primum, dein *Britannia* nomen volunt exortum. NENNII *Historia Britonum* apud THOM. GALE *Scriptores* XV. pag. 94. HENRICUS HUNTINGDON. Lib. I. pag. 300. in *Scriptorib. Henr. Savillii*.

(c) REUSNERUS in *Opere Genealogico* pag. 373. LEQUILE *de Domo Austriaca* Part. I. p. 141. Invertit rem RITTERSHUSIUS in *Genealogico Opere* p. 140. et 141. Urfinos ex Germania in Italiam pervenisse asserens.

(d) *Chronicon* ejus Ms. in publica Turicensium Bibliotheca vidi. Continuum est usque ad A. 1420. De antiquitate ejus veroque auctore disputat TURICENSIS ANONYMUS in *Bibliotheca Helvetica*, germanice edita, Tom. I. pag. 129.

JO. SEIFRIDUS ante hos centum et quinquaginta annos recoxit. (e)

§. II.

Brunsvico - Luneburgica Domus, ab Estensibus Italiae Ducibus haud dubie prodiens suoque flore, sub Guelphis superba, alias induxisse videtur Germaniae Familias, ut Italico sanguine se quoque ortas jactarent. Enimvero frequentes Germaniae Caesarum expeditiones trans Alpes occasionem dederunt, ut Duces, Comites et Dynastae Germani, Italicis praeficerentur Provinciis; unde nepotes inducti sunt, ut Praefectos illos Italici sanguinis fuisse existimarent. Inter Marchiones Badenses duo Hermanni, Tertius hujus nominis et Quartus, Friderici I. Imp. destinatione seculo XII. Marchiam gubernarunt Veronae. Seculo praecedente sub Henrico IV. Imp. Bertoldus I. Zaringensium et Badensium fator, non modo Carinthiae Dux fuerat, sed et Veronensium Marchio. Confusa harum rerum apud veteres notitia originis Veronensis credendae fuit proxima occasio.

Affectationis hujus causae.

B 2

(e) SEIFRIDUS, Abbas Zuethalensis in Austria A. 1612. *Arbores Aniciam* edit. TENGNAGELIUS et P. LAMBECIUS, Bibliothecarii, hoc systema probarunt, sed Perleoniis non ab Aniciis, verum à Judaeo exortos, nostrum aevum aperuit.

Conf. *Alsaciae Illustr.* Tom. II. pag. 460.

§. III.

Italicæ
Badenf.
originis
Auctores

Veterem hanc Domus Badensis traditionem PETRUS DE ANDLO, ex Alfatica Andlaviensium Familia natus, inter primos cum circumstantiis exponit. (f) Narrat enim, quod Fridericus I. post primam expeditionem Italicam (g) in Germaniam rediens, liberum Italiae ut aditum haberet, unum ex filiis Marchionis Veronensis, ex Romana Urfinorum propagine orti, cujus reticet nomen, obsidem secum in Germaniam duxerit, quodque Dynastiam Hachbergae ei dederit cum Castro. (h)

Quum autem novus hic Marchio obiisset improlis, addit Andlavius, Hachbergicos Nobiles legationem misisse Veronam; ut unus ex defuncti nepotibus adduceretur successor. Advenienti Hachbergensem tractum fuisse commissum, et ab eo Marchiones provenisse Badenses, qui deinceps Marchionatus axioma Comitatus Badensi imprefferunt. Haec Petrus de Andlo. FRANCISCUS IRENICUS, Ettlingae, adeoque in terris Badensium, circa A.

(f) In Tractatu suo de *Imperio Romano* Lib. 1. Cap. 15. Petrus hic, Decretorum Doctor, in Academia Basil. Jus Canonicum publice exposuit circa medium seculi XV.

(g) A. 1155. Italicam expeditionem primam Fridericus suscepit.

(h) Dynastiam hanc Conrado Zaringensi ereptam, Hermanno Marchioni Veron. Fridericum I. Imp. in feudum contulisse, tradit CRUSIUS *Annal. Svec.* Part. II. L. X. p. 422.

1495. natus, Philippo, Christophori, Marchionis Badensis, filio carus, quem in stirpis ejus descriptione alloquitur, ait: (i) „ Vidimus literas multa antiquitate praeditas, eam (Italicam) „ originem Marchionibus pollicentes. Sed et ad alias Johannis cujusdam Marchionis provocat literas, in quibus Italicae gentis ab Urfino quodam Romano, ad Marchiae Veronensis Reſtoratum per Fridericum I. Imp. promotum, referatur origo. Epochae huic Annum 1153. assignat Irenicus, subjungens, se quoque nosse Scriptores, qui Hermannum quendam, Marchionem Badensem, jam A. 1120. commemorant; ipseque in hac sententia acquiescit.

§. IV.

Petri Andlaviensis et Irenici tradita MUNSTERUS, (l) Stemmat-
tis fauto-
res.
LAZIUS, (m) CRUSIUS, (n) HENNINGES, (o) REUSNERUS, (p)
ALBIZIUS, (q) LEHMANNUS, (r) LIMNAEUS, (s)

B 3

- (i) *Exegeſis Germ.* Lib. III. cap. 97. 99.
 (l) *Cosmograph.* Lib. 3. Cap. 254. 260. 273.
 (m) *De Migrat. Gentium* Lib. VIII. pag. 500. 510.
 (n) *Annal. Svevicor.* Lib. IX. Part. II. Cap. 18. Lib. X. Part. II. Cap. 11.
 (o) *Theatr. genealog.* Tom. III. p. 239.
 (p) *Oper. Genealog.* pag. 511.
 (q) *Stemmat. Princip.* fol. 41.
 (r) *Chron. Spir.* Lib. IV. Cap. 7. p. 255.
 (s) *Jur. Publ.* Lib. V. cap. 5.

MYLERUS AB EHRENBACH, (t) SPEIDELIUS, (u) aliique magno numero secuti sunt, Veronenses Badensium origines uno omnes ore professi, in circumstantiis inter se licet diverfi. (x)

Nec silentio transeundum, quod Ernesto et Georgio Fridericis, Marchionibus fratribus, varia doctrina ornatis, illustris suo tempore Genealogus, ELIAS REUSNERUS (y) Tabulam Marchionum Hachberga - Badensium, operi Genealogico, quod BASILICA inscripserat, infertam, A. 1592. dedicaverit, in qua Hermannum Comitem Veronensem et Paduanum, quem Friderico I. Imp. sanguine junctum fuisse ait, ab eodem in Marchionem Principemque Imperii, postquam Juditham Hachbergae Comitissam duxerit uxorem, A. 1153. promotum fuisse, confidenter perscribat.

§. V.

Septennio post GEORGIUS, HOHENZOLLERAE COMES, (z) indolis erectae juvenis, de Badensium originibus ingens Volumen,

Systema-
ta alia
ejusdem
originis.

(t) *Archolog. ordinum Imp.* Cap. 10. p. 90.

(u) In *Speculo Jur.* Voce BADEN.

(x) MUNSTERUS Annum 1153. LAZIUS Annum 1151. quibus Fridericus I. Imp. Italiam nondum intraverat, CRUSIUS Annum 1155. rei gestae affligunt.

(y) Rubrum Libri est: *Opus Genealogicum Catholicum*, Francofurti 1592. fol. Genealogia Badensis exponitur pag. 511.

(z) Joachimi Zollerenfis et Annae Badensis Marchionissae filius. Anna haec soror fuerat Georgii Friderici, adeoque filia Caroli II. Marchionis, neptis Ernesti. Codex Autographus extat in Chartophylacio Bada Durlac. ab ipso Auctore Marchioni oblatus.

manu exaratum, soli Georgio Friderico, Avunculo suo, dedicavit, in quo Badenses a Regibus Gothorum, per Scaligeros, Veronae Dominos, nova conjectura derivat, et ab illis ad Recefvindum, Ostro-Gothorum Italiae seculi VI. Regem, ascendit; pleraque ex Pseudo-Hunibaldo aliisque impuris fontibus hauriens.

Postremus Italici systematis hic fuerat conatus, cujus tam manifesta est falsitas, ut nemo non miretur, per quadringentos illud annos potuisse subsistere, quum evidens hodie sit historica veritas, Henrici IV. Imp. temporibus Zaringo-Badenses jam floruisse Marchiones, adeoque centum per annos, antequam Fridericus I. Imp. Hermannum III. Marchiae Veronensi praefecit; quae Praefectura ei forte commissa est, quod Proavus ejus, Bertoldus I. cum Carinthiae Ducatu Marchiam quoque possederat Veronae.



CAPUT